

Երկրորդ՝ զխնդիրդ համեստ և Աստուածահաճոյ, զոր բաղձայ Եղբայրութիւնդ ինև
 Լնանիլ, այս է. զի թարգմանիցեմ զԸնթացն Աստուածաբանական, ի վճտաբղխից աղբերց
 վարդապետացն Հոսմէականաց, որով մարթայցէ ներհմտացուցանել զիրս ստորադրե-
 ցեալս առ լաւագոյն ընձեռումն Առաքելականի Պաշտաման: Արդարև խնդիր սուրբ և
 ամենագովելի, բայց անհանգէտ իմոցս ուսոց՝ բեռն: Նախ, զի իրականութիւնդ այդ,
 պահանջէ զգիտութիւն և զծանօթութիւն մեծ երկոցունց լեզուաց, զոր ես չունիմ բաւա-
 կանապէս: Երկ. զառողջութիւն և զամբողջութիւն, որք այժմ ոչ գտանին յիս, գոլով
 իմ արդ պակասեցեալ յուժոյ և ի լուսոյ, և գրեթէ ծիրեցեալ ի ծերութենէ և գործա-
 րանքս անպիտանացեալք. խնդրելի է ուրեմն ի գիտնագունից և մանկագունից քան զիս:
 Այլ ընդէ՞ր և այս. ո՛չ ապաքէն Իմաստասիրութիւն և Աստուածաբանութիւն Հրեշտակա-
 կանի վարդապետին Ազուինացւոյ վաղ ուրեմն թարգմանեցեալք գտանին այժմ ի մէջ
 Ուղղափառացն ճահկեցոց: Խնդրեսցէ Եղբայրութիւնդ ի նոցանէ և նոքա (որպէս են-
 թաղրեմ) չեն զլանալոցք. մանաւանդ մինչ լսիցեն հանդերձեալ զոլ տպագրութեամբ ի
 լոյս ածիլ, որպէս խոստանասոյ: Գտանի առ իս ընդօրինակեցեալ Բնաբանութիւն, այսինքն
 Ֆիզիքա, մասն ինչ ի Կղէմայ, բարւոյ յիշատակի վարդապետէն, և մասն յԱլիօզէ
 արարեցելոցն. եթէ յօժարիցի Եղբայրութիւնդ՝ յղեցից, յորժամ դարձայ յաքսորանաց
 աստի ի Լէօպօլիս...:

Մնամ խոնարհագունեղ ծառայ
 վարդան Արքեպօս. Լէօպօլտոյ

Բ.

Յաջորդ թուղթը որուն աշխարհարար թարգմանութիւնը կայ Հ. Յ. Թորոսեանի
 վարք Մխիթար Աբբայի գրոց մէջ, զրուած է ի վեկետիկ ի չորրորդում օգոստոսի
 1708 ձեռամբ Խաչատուր վարդապետի երգրումնցի: Ի մէջ այլոց կը հաղորդէ Մխի-
 թար Աբբայի որ ինք (Խաչատուր վ.) առաքելական քարոզիչ կարգուեր է Ս.
 Ժողովէն: Ահա ամբողջութեամբ.

Սիրելագունեղ Եղբայր իմ ի Տէր.

Սիրելագունեղ մայր մեր հանդերձ երկու թոռամբք եկեալ էհաս ի մայրաքաղաքս վէ-
 նետիկ, և պատմեաց մեզ զամենայն մարդասիրութիւն ձեր, զոր ցուցեալ էր նմա եղբայ-
 րութիւն ձեր. և աստ ի վէնէտիկ բնակի հանդերձ թոռամբք և այլովք անձամբք. և է
 աստ մնալոց...: Եւ ես մնացի աստ, և ստեղծայ ի Սուրբ Ժողովոյն Առաքելական միտ-
 տոնար Հայոց աստ եղելոց, ըստ խնդրոյ սիրելագունեղի եղբօր Գրիգոր վարդապետի
 թախաթեցւոյ, որ այլ ուրեք սահմանեաց գնալ: Ի յեկեղեցւոջ Հայոց ի շաբաթն երիցս
 քարոզեմ...:

Ի վէնէտիկ ի չորրորդում օգոստոսի 1708

Եղբայրութեան ձերոյ
 Չերմեռանդագունեղ ծառայ
 Խաչատուր վարդապետ Էրզրումեցի

Գ.

Հետաքրքրական է նաև հետևեալ անտիպ գիրը, ո՛չ միայն իր մէկ երկու ազ-
 գային պատմական անցքերուն, այլ նոյն իսկ նամակագրին առ Մխիթար և իր